



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՄԱՏԱԿԱՆ ՎԵՐԱԿԱՆԱԿԱՆ
ՄԱՐԿԱԿԱՆ ՎԵՐԱԿԱՆԱԿԱՆ

ԴԻՄՈՐԴԻ
ՈՒՂԵՑՈՒՅՑ
2022-2023





2022-2023



“

Սիրելի՛ դիմորդ,

Դիմելով Հայաստանում ֆրանսիական համալսարան (ՀՖՀՀ)՝ Դուք ընտրում եք գերազանց կրթություն, որն աշխարհի դռներն է բացում Ձեր առջև: ՀՖՀՀ-ն կրթում է երիտասարդների՝ նրանց փոխանցելով բարեկարգության և պատասխանատվության արժեքներ, կրթում է հայ քաղաքացիների, որոնք ապագայում մասնակցելու են աշխարհի զարգացմանը: Մեր երիտասարդ շրջանավարտները պատասխանատու պաշտոններ են զբաղեցնում Հայաստանի և արտերկրի վարչական կառույցներում, մասնավոր ձեռնարկություններում և հաճախ զբաղվում են ձեռնարկատիրական գործունեությամբ: ՀՖՀՀ-ն սովորեցնում է ուսանողներին ընդունել մարտահրավերներ, կառավարել իրենց ժամանակն ու կարողությունները, արագորեն անցում կատարել տեսությունից պրակտիկային: ՀՖՀՀ-ն յուրաքանչյուր հայ երիտասարդի հաջողության հիմքն է:

Բարի գալուստ Հայաստանում ֆրանսիական համալսարան:

Պրոֆեսոր Բերտրան Կենար
ՀՖՀՀ ռեկտոր

”

ՏԵՍԼԱԿԱՆ

**ԴԱՌՆԱԼ ԿՈՎԿԱՍՈՒՄ ԲԱՐՁՐԱԳՈՒՅՆ
ԿՐԹՈՒԹՅԱՆ ԱՌԱՋԱՏԱՐՆԵՐԻՑ
ՄԵԿԸ ԵՎ ՕՐԻՆԱԿԵԼԻ ՖՐԱՆՍԻԱԿԱՆ
ՀԱՄԱԼՍԱՐԱՆՆ ԱՐՏԵՐԿՐՈՒՄ:**

ԱՌԱՔԵԼՈՒԹՅՈՒՆ

**ԴԱՐՁՆԵԼ ԵՐԻՏԱՍԱՐԴՆԵՐԻՆ
ԱՐԴԱՐԱՄԻՏ,
ՊԱՏԱՍԽԱՆԱՏՈՒ ԵՎ ԼԱՅՆ
ԱՃԽԱՐՀԱՅԱՅՔ ՈՒՆԵՑՈՂ
ԴԵԿԱՎԱՐՆԵՐ:**

ԴՈՒՌ ԴԵՊՈՒ ՄԵՇ ԱՃԻԱՐԴ

երկու դիպլոմ՝ ֆրանսիական/եվրոպական և հայկական, գործընկեր համալսարաններ Ֆրանսիայում, ֆրանսիացի 80 դասախոս ամեն տարի, ֆրանսիացի ռեկտոր, պրակտիկա արտերկրում:

ՊՐՈՖԵՍԻՈՆԱԼԻԶԱՑԻԱ

աշխատանքի տեղավորման բարձր ցուցանիշ, պարտադիր մասնագիտական պրակտիկա, ձեռնարկատիրական հմտությունների զարգացմանը նպաստելը Աքսելերատոր 28-ի միջոցով:

ԲԱՐԵՎԱՐԵՈՒԹՅՈՒՆ

կրթաթոշակներ և սոցիալական օգնություն, անկողմնակալ գնահատում, աջակցության ծրագրեր, ինչպիսին է «Զինվորական ծառայությունից վերադարձած ուսանողներին դեպի հաջողություն ուղեկցելու» նախագիծը («PREMS»):





2

պետական դիպլոմ՝
հայկական և ֆրանսիական
/ եվրոպական, որը
ճանաչվում է ամբողջ
աշխարհում



3%

2020 թվականի
շրջանավարտների
ընդամենը 3%-ն է փստրում
աշխատանք:





Հաջողություն մասնագիտական կարիերայում.

- շրջանավարտների՝ աշխատանքի տեղավորման բարձր ցուցանիշ (2020 թ.-ի շրջանավարտների 90%-ից ավելին աշխատում է)
- մասնագիտական պրակտիկա արտերկրում, ինչը միջազգային փորձ ձեռք բերելու հնարավորություն է տալիս:



Բարձր որակի միջազգային կրթություն.

- ժան Մուլեն Լիոն 3 և Թուլուզ 3 Պոլ Սաբատիե համալսարանների հետ համագործակցություն
- երկու դիպլոմ՝ հայկական և եվրոպական, որը ճանաչվում է ողջ աշխարհում:



Աշխարհայացքի ընդլայնում.

- ֆրանսախոս միջավայր
- շարունակական շփում օտարերկրացի դասախոսների հետ՝ սկսած բակալավրիատի 3-րդ կուրսից



Կրթական անաչառ և պատասխանատու միջավայր.

- ակադեմիական կրթաթոշակներ և սոցիալական օգնություն
- անկողմնակալ քննություններ





ԲԱԿԱԼԱՎՐԻԱՏ

Շուկայագիտություն (Մարքեթինգ)

Կառավարում

Իրավագիտություն

Ֆինանսներ

Ինֆորմատիկա (Համակարգչային գիտություններ)

ՄԱԳԻՍՏՐԱՏՈՒՐԱ

Շուկայագիտություն (Մարքեթինգ)

Ֆինանսներ (Ֆինանսներ և վերահսկողություն)

Իրավագիտություն (Միջազգային, միջազգային մասնավոր և համեմատական իրավունք)

Տեղեկատվական համակարգեր (Արհեստական բանականությամբ համակարգեր)

ՖՐԱՆՍԻԱԿԱՆ/ԵՎՐՈՊԱԿԱՆ ԴՈԿՏՈՐԱՆՏՈՒՐԱ

Տնտեսագիտություն

Հանրային և մասնավոր իրավունք



ԻՐԱՎԱԳԻՏՈՒԹՅՈՒՆ

Ակադեմիական գործընկեր՝ Ժան Մուլեն
Լիոն 3 համալսարան
Ուսման տևողություն՝ 4 տարի

Իրավաբանները կարևոր դեր ունեն հասարակական կյանքի բոլոր ոլորտներում՝ տնտեսական, սոցիալական, մշակութային, կրթական, քաղաքական: Իրավագիտություն սովորելը նշանակում է ուսումնասիրել հասարակությունը և հասարակության անդամների միջև հարաբերությունները, ընկալել հասարակության հիմնարար խնդիրները և զարգացնել քաղաքացիական գիտակցություն: Իրավագիտություն սովորելը նշանակում է հասարակության մեջ ակտիվ և կենտրոնական դեր խաղալու ցանկություն ունենալ:

UFAR
ՀԱՅԱՍՏԱՆԻՄ ՖՐԱՆՍԻԱԿԱՆ
ՀԱՄԱԼՍԱՐԱՆ



Կրթությունը ՀՀ-ի իրավագիտության ֆակուլտետում ուսանողին թույլ կտա ստանալ ինչպես հայկական, այնպես էլ ֆրանսիական իրավունքի հիմնարար գիտելիքներ և հետագայում ընտրել իր գործունեության իրավագիտական ոլորտը՝ կառուցելով ավելի նեղ մասնագիտական ուղի:

Իրավագիտության բակալավրի աստիճանի կրթական ծրագիրը ընդհանրական է. նպատակը իրավական գիտելիքների ամուր հիմք և իրավական մշակույթ ձեռք բերելն է:

Այսպիսով, ՀՀ-ի իրավագիտության ֆակուլտետում ուսանելու չորս տարիների ընթացքում ուսանողները բացահայտում են և՛ հանրային, և՛ մասնավոր, և՛ միջազգային իրավունքի ոլորտները: Առանձնահատուկ է այն, որ բացի հայկական իրավունքից՝ ուսումնասիրվում է նաև ֆրանսիական իրավունքը՝ ուսանողներին հնարավորություն տալով տարբեր կողմերից դիտարկելու մասնագիտության առանձնահատկությունները:

ՀՀ-ի կրթական ծրագրի կարևոր առանձնահատկություններից է հայ և ֆրանսիացի ոլորտի առաջատար մասնագետ դասախոսների ներգրավվածությունը, որոնք դասավանդման ընթացքում համադրում են տեսությունը և իրավիճակային իրական խնդիրները՝ վերցված իրենց աշխատանքային պրակտիկայից:

Սովորելով այս ֆակուլտետում՝ ուսանողը ձեռք կբերի գիտելիքներ ինչպես Հայաստանի իրավունքի, հայկական դատաիրավական համակարգի, միջազգային և եվրոպական իրավունքի, այնպես էլ ֆրանսիայի դատաիրավական համակարգի և իրավունքի հիմնական բնագավառների մասին: Ուսանողի մոտ կզարգանան իրավիճակները իրավաբանորեն վերլուծելու, որակավորելու, համապատասխան իրավական կանոններ կիրառելու մասնագիտական, ինչպես նաև իրավական գրավոր ու բանավոր խոսքի և հետազոտական աշխատանքներ կատարելու հմտություններ:

Բակալավրիատի վերջին կուրսում կրթական ծրագրում ներառված է 7 շաբաթ տևողությամբ պրակտիկա, որի ընթացքում բոլոր ուսանողներին ՀՀ առաջատար ընկերություններում գործնական փորձ ձեռք բերելու, իսկ լավագույն ուսանողներին ամեն տարի պրակտիկան արտերկրում անցնելու հնարավորություն է ընձեռվում: ՀՀ-ում Ձեր առօրյան հագեցած կլինի, երբ օրը դուք կարող եք լսել մասնագիտական առարկայի դասախոսություն (օրինակ՝ քաղաքացիական իրավունք), որին կհաջորդեն գործնական պարապմունքները:

Դրանք անցկացվում են ավելի փոքր խմբերով՝ թույլ տալով դասախոսի հետ մտքեր փոխանակել և բոլոր ընկերություններ կազմակերպել, ինչպես նաև կատարել գործնական վարժություններ՝ կիրառելով դասերի ընթացքում ձեռք բերված տեսական գիտելիքները: Նույն օրվա ընթացքում Դուք կկարողանաք նաև մասնակցել ֆրանսերենի և անգլերենի դասերի:



ՀՀՀՀ-ի ուժն իր միասնականության մեջ է։
ուսանողները, շրջանավարտները, դասախոսները և
անձնակազմը համախմբվում են ընդհանուր
արժեքների և ընդհանուր առաքելության շուրջ՝
ծառայել Հայաստանի զարգացման գործին՝ օգնելով
հայ երիտասարդներին։

Իրավաբանության ֆակուլտետի
3-րդ կուրսի ուսանող Արման Դրոշակիրյան

ՀՀՀՀ-ում այս երկու լեզուների ուսուցումը
պարտադիր է կրթական ծրագրի ամբողջ
ընթացքում, ինչը Ձեզ թույլ կտա հասնել
մասնագիտական բարձր մակարդակի՝
մրցակցային առավելություն ունենալով
ինչպես նախնական, այնպես էլ հաջորդող
աշխատանքներ փնտրելիս։ Ուսումնառության
լավագույն արդյունք գրանցելու համար
միայն դասերին հաճախելը բավական չէ։

Ինքնակրթությունը, ընթացիկ քննարկումներին
ակտիվ մասնակցությունը և գործնական
աշխատանքները ՀՀՀՀ-ում իրավաբանական
կրթության մեջ հաջողելու կարևոր բաղադրիչ
են։ Իսկ առավել մոտիվացվածները հնա-
րավորություն կունենան մասնակցելու
արտալսարանային միջոցառումների, ինչ-
պիսիք են գիտաժողովները և դատա-
խաղերը, որոնք էլ կօգնեն ընդլայնելու
գիտելիքները և փորձառությունը։

Ի՞նչ պաշտոններ կարող եմ զբաղեցնել ավարտելուց հետո, որտե՞ղ կարող եմ շարունակել կրթությունս։

Իրավագիտության բակալավրիատն
ավարտելուց հետո աշխատանքային և
մասնագիտական հեռանկարները
բազմաոճ են։

աշխատել՝

- իրավաբան ձեռնարկությունում, ՀՀ-ում,
բանկում, ապահովագրական
ընկերությունում, մարդկային ռեսուրսների
բաժնում,
- իրավախորհրդատու վարչական
մարմիններում, միջազգային
կազմակերպություններում,
- դատավորի խորհրդական
դատարանում,
- փաստաբան, նոտար (մրցույթ անցնելուց
հետո),
- դատախազ,
- իրավական հարցերի փորձագետ,
- ազգային անվտանգության և
պաշտպանության ծառայություններում,
- լրագրության, հանրային կապերի
ոլորտում,
- դիվանագետ և այլն։

շարունակել կրթությունը՝

- փաստաբանական դպրոցում,
- մասնավոր կամ հանրային իրավունքի
մագիստրատուրայում,
- քաղաքագիտության, միջազգային
հարաբերությունների, կառավարման և
հումանիտար գիտությունների այլ
ոլորտների մագիստրատուրայում։



ԿԱՌԱՎԱՐՈՒՄ

Ակադեմիական գործընկեր՝ Ժան Մուլեն
Լիոն 3 համալսարան
Ուսման տևողություն՝ 4 տարի

Տնտեսության ցանկացած ոլորտ ունի տարբեր մակարդակի կառավարիչների պահանջ: Այդ պահանջը կախված է տնտեսության կառուցվածքային փոփոխություններից: Ուստի կառավարման մասնագետը, անկախ տնտեսության կառուցվածքային փոփոխություններից, լայն հնարավորություններ է ձեռք բերում աշխատաշուկայում և իր ողջ կյանքի ընթացքում ցանկացած ոլորտում՝ ավանդական արդյունաբերության թե՛ բարձր տեխնոլոգիական, կարող է լինել մրցուսակ:

UFAR
ՀԱՅԱՍՏԱՆԻ ՖԻՆԱՆՍԱԿԱՆ
ՀԱՄԱԼՍԱՐԱՆ



Կառավարման ոլորտում բակալավ-
րիական բազմակողմանի կրթությունը
լավագույն հիմքն է հետագայում ծեռք
բերած մասնագիտության մեջ հմտանալու
համար:

Սովորելով կառավարման ֆակուլտետում՝
ուսանողը ծանոթանում է տարբեր
ոլորտների (գործարարություն, մարքե-
թինգ, նախագծերի կառավարում, ֆի-
նանսներ, հաշվապահություն, աուդիտ և
այլն), ինչի շնորհիվ հետագա կրթական և
գործնական ուղին շարունակելը (մա-
գիստրոսական մասնագիտացում, աշխա-
տանքային ոլորտ, սեփական բիզնես և
այլն) դառնում է առավել տեսանելի և
հիմնավորված:

Կառավարման մասնագիտացումը օգնում
է վելելի արագ և գրագետ կերպով լուծելու
ոչ միայն մասնագիտական ոլորտի, այլև
կյանքի և անձնական ոլորտի կազմա-
կերպման հարցերը: Մասնագիտությունը
սերտ կապված է սոցիալական և մարդկա-
յին գործոնին, ինչն իր դրական ազդեց-
ությունն է թողնում մասնագետների
արդյունավետ և հաջողակ կյանք կառու-
ցելու վրա:

Հայաստանում ֆրանսիական համալսա-
րանում կառավարման բակալավրիատն
ավարտելուց հետո շրջանավարտները
ստանում են 2 պետական դիպլոմ՝ հայկա-
կան և ֆրանսիական: Ընդ որում, ֆրան-
սիական դիպլոմը ժան Մուլեն Լիոն 3
համալսարանի դիպլոմն է՝ ողջ
աշխարհում նույն իրավական և ակա-
դեմիական կշիռով, հանգամանք, որը
միջազգային ասպարեզում լայն հնա-
րավորություններ է ընձեռում: ՀՀ-ի կա-
ռավարման ֆակուլտետի կրթական ծրա-
գիրն իր կրթական որակով և ձևաչափով
համապատասխանում է մեծ հեղինա-
կություն վայելող Լիոն 3 համալսարանի
կրթական ծրագրին:

Սովորելով կառավարման ֆակուլտետում՝
ուսանողները լայն հնարավորություններ
են ստանում իրենց հետագա ուսումը կամ
աշխատանքային կարիերան շարու-
նակելու ոչ միայն Հայաստանում, այլև
արտերկրում թե՛ ընձեռնվող 2 պետական
դիպլոմի (հայկական և ֆրանսիա-
կան/եվրոպական) և թե՛ մի քանի լեզու
(ֆրանսերեն, անգլերեն, ռուսերեն, իսպա-
ներեն, գերմաներեն և այլն) ուսանելու
շնորհիվ:

Դասավանդող կազմի զգալի մասը հենց
ֆրանսիայից ժամանած դասախոսներ են:
Դասավանդում են նաև բարձր որա-
կավորում ունեցող և մի շարք հեղի-
նակավոր կազմակերպություններում (ՀՀ
ԿԲ, գերատեսչություններ, մասնավոր
բանկեր և այլ ընկերություններ) աշխատող
հայ մասնագետներ: Առանձնահատուկ
շեշտադրում ունի կրթության պրակտիկ
կիրառական մասը՝ հիմնված շուկայի
արդի պահանջների վրա:

ՀՀ-ի դասապատրաստման բոլոր գործըն-
թացները անցնում են կարգապահական
խիստ մթնոլորտում և անաչառության
սկզբունքներով, որոնց շնորհիվ լրջա-
գույնս ապահովվում է կրթության բարձր
որակը:

Ուսանողներին հասանելի են աշխատա-
շուկայի ժամանակակից պահանջներից
բխող ամենամյա լրամշակվող դասըն-
թացները՝ նախագծերի կառավարում, ա-
ռաջնորդության ու ղեկավարման հմտու-
թյուններ, աուդիտ, ֆինանսական վերլու-
ծություններ, հաշվապահություն, բանկա-
յին գործ և այլն:

Ավարտելով ՀՀՀՀ կառավարման բաժինը՝ ուսանողները կարող են զբաղեցնել տնտեսության՝ ամենաբարդ և ժամանակակից հմտություններ պահանջող միջին և դեկավար պաշտոններ, արձանագրել ոչ միայն առաջընթաց դեկավարման գործում, այլև փորձագիտական աճ: Վերջինի մասին փաստում են ՀՀՀՀ շրջանավարտների շրջանում կատարված մի շարք ուսումնասիրությունները: Ըստ այդ ուսումնասիրությունների՝ շրջանավարտների ավելի քան 97%-ն ապահովված է իրեն բավարարող տարբեր աշխատանքներով տնտեսության մրցունակ ոլորտներում: Ընդ որում՝ նրանց աշխատանքային կարիերան աճում է տարեցտարի:

Հեռակարային են նաև մասնագիտական կրթությունը՝ շարունակական դարձնելու հնարավորությունները (միջազգային մագիստրատուրա, ասպիրանտուրա և այլն), քանի որ ստանալով ֆրանսիական բակալավրի աստճան (դիպլոմ)՝ բացվում են դռները դեպի միջազգային բուհեր (հատկապես ֆրանսիական) և մագիստրոսական ծրագրեր՝ ներկայացնող տարբեր երկրներ:



Միասնական համալսարան լինելով՝ ՀՀՀՀ-ն միշտ աջակցում է ուսանողներին իրենց նախաձեռնություններում և քաջալերում՝ Ե նրանց՝ ձգտելու դառնալ ավելի լավը:

«Արսելերատոր 28»-ը այդ ամենի վառ ապացույցն է, մի վայր, որտեղ յուրաքանչյուր ուսանող անհատական խորհրդատվություն է ստանում՝ իր գաղափարների իրականացման գործում և առաջնորդվում է զարգացնելու իր ձեռնարկատիրական հմտությունները:

Կառավարման ֆակուլտետի 3-րդ կուրսի ուսանողուհի Աիդա Գաբրիելյան

Ուսումնառության հիմնական ծրագրին զուգահեռ ուսանողների համար կազմակերպվում են բազմաթիվ գիտամշակութային և այլ միջոցառումներ, թիմային աշխատանքներ, հանդիպումներ և վարպետաց դասեր՝ առաջատար ընկերությունների ներկայացուցիչների հետ:

Ուսանողներն անցնում են մասնագիտական պրակտիկա տնտեսության տարբեր մասնավոր ընկերություններում:

Համալսարանը սերտ կապեր է հաստատել բիզնես ոլորտի հետ, ինչն էլ նպաստում է ուսանողների և մասնավոր հատվածի միջև արդյունավետ շփմանը: Արդյունքում ուսանողները տարբեր առաջատար ընկերություններից ստանում են աշխատանքի առաջարկներ և իրենց աշխատանքային կարիերան սկսում են հենց ուսանողական տարիներից:



ՄԱՐՔԵԹԻՆԳ

Ակադեմիական գործընկեր՝ ժան Մուլեն
Լիոն 3 համալսարան
Ուսման տևողություն՝ 4 տարի

Մարքեթինգը խիստ արդիական, հեռանկարային և բարձր վարձատրվող մասնագիտություն է. բոլոր ընկերություններն ու կազմակերպությունները պետական թե մասնավոր, միջազգային թե տեղական, առևտրային թե հասարակական, ունեն մարքեթոլոգների կարիք: Այս մասնագետները պահանջված են տնտեսության բոլոր բնագավառներում. նրանք մշակում են մարքեթինգային ռազմավարություն և կյանքի կոչում այն, կատարում են մարքեթինգային պլանների մշակում, մարքեթինգային հետազոտությունների պլանավորում և իրականացում, գովազդային և PR արշավների մշակում, կազմակերպում և իրականացում, բրենդի մշակում և կառավարում, վաճառքների պլանավորում, կառավարում և կազմակերպում և այլն:

UFAR
 ՀԱՅԱՍՏԱՆՈՒ ՖԻՆԱՆՍԱԿԱՆ
 ՀԱՄԱԼՍԱՐԱՆ



Հիմնվելով Ֆրանսիայում բարձր հեղինակություն վայելող ակադեմիական գործընկեր Լիոն 3 համալսարանի մասնագիտական ծրագրերի վրա՝ ՀՀՀՀ-ի մարքեթինգի ֆակուլտետն առաջարկում է ուսանողին ստանալ տեսական և գործնական հիմնարար գիտելիքներ, ծնավորել մարքեթինգի և վաճառքի բնագավառներում գործունեություն իրականացնելու, ղեկավարելու, որոշումներ կայացնելու և կառավարելու կարողություններ, որոնք համապատասխանում են միջազգային և ազգային մասնագիտական չափանիշներին: ՀՀՀՀ-ի մարքեթինգի ֆակուլտետը շուրջ 20 տարի պատրաստել է աշխատաշուկայում պահանջված, մասնագիտական բարձր որակավորում ունեցող մասնագետներ, որոնք աշխատում են ՀՀ-ի և արտերկրի առաջատար ընկերություններում և կազմակերպություններում:

Այս ֆակուլտետի շրջանավարտները զբաղվում են մարքեթինգային և առևտրային գործունեությամբ հայկական և միջազգային ընկերություններում և մասնագիտական շփման համար տիրապետում են նվազագույնը 4 օտար լեզուների:

ՀՀՀՀ-ի մարքեթինգի ֆակուլտետի կարևոր առանձնահատկություններից է իրենց ոլորտների առաջատար մասնագետների հայ և ֆրանսիացի դասախոսների ներգրավվածությունը դասավանդման մեջ, ինչի շնորհիվ արդյունավետորեն համադրվում են տեսական և պրակտիկ գիտելիքները: Գործնական պարապմունքների մեծ մասնաբաժինը թույլ է տալիս ուսանողներին ստանալ աշխատաշուկայի արդի պահանջներին համապատասխան կրթություն, լինել մրցունակ՝ արագ ինտեգրվելով մասնագիտական կյանքին: Ուսանողները մասնագիտական գիտելիքները և հմտությունները հաճախ կիրառում են ՀՀ-ում գործող ընկերությունների կողմից առաջարկվող իրական շուկայական իրավիճակների համար լուծումներ առաջարկելով կամ ծրագրեր մշակելով: Այս մոտեցումը հնարավորություն է տալիս ուսանողներին ուսման ընթացքում բացահայտելու իրական մասնագիտական միջավայրը, ծանոթանալու ապագա գործատուների հետ՝ հաճախ ստանալով աշխատանքի առաջարկներ:



ՀՀՀՀ դիմելն ինձ համար գերազանց համալսարանի ընտրություն էր, որն առանձնահատուկ է միջազգային կրթությամբ և երկու դիպլոմի շնորհմամբ: ՀՀՀՀ-ում սովորելը նաև ուֆառյան համայնքի մաս կազմելն է, ինչը նպաստում է մեր անձնական և մասնագիտական աճին: Դա նաև ամբողջ կյանքի համար ընկերներ ձեռք բերելն ու համալսարանական ակտիվ և հետաքրքիր կյանք վարելն է:

Մարքեթինգի ֆակուլտետի 3-րդ կուրսի ուսանողուհի Թամարա Դանիելյան

Գործնական պարապմունքների ընթացքում դասավանդվող մասնագիտական առարկաների (Մարքեթինգի հիմունքներ, PR, Մարքեթինգ միջոց, Որակական և քանակական մեթոդներ, Մարքեթինգ պլան և այլն/ շրջանակում ուսանողները ներկայացնում են խմբային աշխատանքներ և նախագծեր, որոնք ենթադրում են ընկերությունների իրական շուկայական իրավիճակների ուսումնասիրության վերլուծություն, լուծումների և ծրագրերի առաջարկներ:

Ի՞նչ կարող եմ անել մարքեթինգի բակալավրիատն ավարտելուց հետո

Աշխատել որպես՝

- կազմակերպության/ընկերության ղեկավար,
- կոմերցիոն տնօրեն,
- մարքեթինգի/վաճառքի տնօրեն,
- գովազդային գործակալության տնօրեն,
- միջազգային առևտրի պատասխանատու,
- հանրային կապերի (PR) մենեջեր,
- բրենդ մենեջեր,
- ծրագրերի ղեկավար,
- մերչենդայզեր,
- քիզնես վերլուծաբան,
- վաճառքի մասնագետ,
- գովազդային մասնագետ,
- մարքեթինգի մասնագետ,
- լոգիստիկայի մասնագետ,
- գնումների մասնագետ:

Մարքեթինգի ֆակուլտետի բակալավրիատի շրջանավարտները կարող են իրենց ուսումը շարունակել ՀՀՀՀ-ի, Ֆրանսիայի Ժան Մուլեն Լիոն 3 և այլ հայաստանյան և արտասահմանյան բուհերի մագիստրատուրայում՝ հետևյալ մասնագիտացումներով.

- մարքեթինգ և վաճառք,
- մարքեթինգային (միջազգային, միջմշակութային) հաղորդակցություններ,
- թվային մարքեթինգ,
- B2B մարքեթինգ,
- գովազդ և հանրային կապեր,
- քիզնեսի կառավարում,
- միջազգային առևտուր:



ՖԻՆԱՆՍՆԵՐ

Ակադեմիական գործընկեր՝ Ժան Մուլեն
Լիոն 3 համալսարան
Ուսման տևողություն՝ 4 տարի

Հետազոտությունները ցույց են տալիս, որ աշխատաշուկայում պահանջված մասնագետների թվաքանակով ֆինանսաբանական ոլորտը գիջում է միայն տեղեկատվական տեխնոլոգիաների ոլորտին: Ընդ որում, ֆինանսների շուկայում աշխատավարձի մակարդակը շատ բարձր է: Տնտեսության ցանկացած ոլորտ ունի ֆինանսիստի և/կամ հաշվապահի պահանջ: Այդ պահանջն անկախ է տնտեսության կառուցվածքային փոփոխություններից:

UFAR
 ՀԱՅԱՍՏԱՆՈՒՄ ՖԻՆԱՆՍԱԿԱՆ
 ՀԱՄԱԼՍԱՐԱՆ



Ուստի ֆինանսների մասնագետը, անկախ տնտեսության կառուցվածքային փոփոխություններից, լայն հնարավորություններ է ծեռք բերում աշխատաշուկայում և իր ողջ կյանքի ընթացքում ցանկացած ոլորտում՝ ավանդական արդյունաբերության թե բարձր տեխնոլոգիական, կարող է լինել մրցունակ: Ֆինանսների ոլորտում մասնագիտացումն օգնում է տիրապետելու ֆինանսահաշվային և հարկային բոլոր նրբություններին, որն էլ կարող է նպաստել սեփական բիզնես հիմնելուն:

Հայաստանում ֆրանսիական համալսարանում ֆինանսների բակալավրիատն ավարտելուց հետո շրջանավարտները ստանում են 2 պետական դիպլոմ՝ հայկական և ֆրանսիական/եվրոպական: Ընդ որում, ֆրանսիական դիպլոմը ժան Մուլեն Լիոն 3 համալսարանի դիպլոմն է՝ ողջ աշխարհում նույն իրավական և ակադեմիական կշիռով, հանգամանք, որը միջազգային ասպարեզում լայն հնարավորություններ է ընձեռում: ՀՀՀՀ ֆինանսների ֆակուլտետի կրթական ծրագիրն իր կրթական որակով և ձևաչափով համապատասխանում է մեծ հեղինակություն վայելող Լիոն 3 համալսարանի կրթական ծրագրին:

Սովորելով ֆինանսների ֆակուլտետում ուսանողները լայն հնարավորություն են ստանում իրենց հետագա ուսումը կամ աշխատանքային կարիերան շարունակելու ոչ միայն Հայաստանում, այլև արտերկրում թե՛ ընձեռնվող 2 պետական դիպլոմի (հայկական և ֆրանսիական/եվրոպական) և թե՛ մի քանի լեզու (ֆրանսերեն, անգլերեն, ռուսերեն, իսպաներեն, գերմաներեն և այլն) ուսանելու շնորհիվ:

Դասավանդող կազմի զգալի մասը հենց ֆրանսիայից ժամանած դասախոսներն են: Դասավանդում են նաև բարձր որակավորում ունեցող և մի շարք հեղինակավոր կազմակերպություններում (ՀՀ ԿԲ, գերատեսչություններ, մասնավոր բանկեր և այլ ընկերություններ) աշխատող հայ մասնագետներ: Առանձնահատուկ շեշտադրում ունի կրթության կիրառական մասը՝ հիմնված շուկայի արդի պահանջների վրա:

ՀՀՀՀ դասապատրաստման բոլոր գործընթացներն անցնում են խիստ կարգապահական մթնոլորտում և անաչառության սկզբունքներով, որոնց շնորհիվ լրջագույնս ապահովվում է կրթության բարձր որակը:

Ուսանողներին հասանելի են աշխատաշուկայի ժամանակակից պահանջներից բխող ամենամյա լրամշակվող դասընթացները՝ նախագծերի կառավարում, առաջնորդության ու ղեկավարման հմտություններ, աուդիտ, ֆինանսական վերլուծություններ, հաշվապահություն, բանկային գործ և այլն:

Ուսումնառության հիմնական ծրագրին զուգահեռ ուսանողների համար կազմակերպվում են բազմաթիվ գիտամշակութային և այլ միջոցառումներ, թիմային աշխատանքներ, հանդիպումներ և վարպետաց դասեր առաջատար ընկերությունների ներկայացուցիչների հետ:

Ավարտելով ՀՀՀՀ ֆինանսների ֆակուլտետը՝ ուսանողները կարող են զբաղեցնել միջին և դեկավար պաշտոններ ֆինանսների, հաշվապահության և աուդիտի ոլորտներում, ինչպես նաև հիմնել սեփական բիզնեսը: Վերջինի մասին փաստում են ՀՀՀՀ շրջանավարտների շրջանում մի շարք ուսումնասիրություններ: Ըստ այդ ուսումնասիրությունների՝ շրջանավարտների ավելի քան 97%-ն ապահովված է իրեն բավարարող տարբեր աշխատանքներով տնտեսության մրցունակ ոլորտներում: Ընդ որում, նրանց աշխատանքային կարիերան աճում է տարեցտարի:

Հեռանկարային են նաև մասնագիտական կրթությունը շարունակական դարձնելու հնարավորությունները (միջազգային մագիստրատուրա), քանի որ ստանալով ֆրանսիական/եվրոպական բակալավրի աստիճան (դիպլոմ)՝ բացվում են դռները դեպի միջազգային բուհեր (հատկապես ֆրանսիական) և մագիստրոսական ծրագրեր ներկայացնող տարբեր երկրներ:



ՀՀՀՀ-ում սովորել նշանակում է մասնագիտական մի շարք գաղտնիքներ բացահայտել և մի քանի օտար լեզուների տիրապետել: Դա տեսական և գործնական գիտելիքները համադրելու և ներկայիս աշխատաշուկայում պահանջվող հմտությունները զարգացնելու հնարավորություն ունենալն է:

Ֆինանսների ֆակուլտետի 2-րդ կուրսի ուսանողուհի Տաիսա Քալաշյան

Ուսանողներն անցնում են մասնագիտական պրակտիկա տնտեսության տարբեր մասնավոր ընկերություններում: Համալսարանը սերտ կապեր է հաստատել բիզնես ոլորտի հետ, ինչն էլ նպաստում է ուսանողների և մասնավոր հատվածի միջև արդյունավետ շփմանը: Արդյունքում ուսանողները տարբեր առաջատար ընկերություններից ստանում են աշխատանքի առաջարկներ և իրենց աշխատանքային կարիերան սկսում են հենց ուսանողական տարիներից:



ԻՆՖՈՐՄԱՏԻԿԱ

Ակադեմիական գործընկեր՝ Թուլուզ 3 Պոլ
Սաբատիե համալսարան
Ուսման տևողություն՝ 4 տարի

Նորագույն տեխնոլոգիաների մշակումը և կիրառումը բեկում են մտցրել պետությունների զարգացման մեջ՝ ապահովելով թռիչքային աճ (օրինակ՝ քվանտային տեխնոլոգիաների, արհեստական արբանյակների, արհեստական բանականությամբ համակարգերի, խելախոսների և այլ հայտնագործությունները), դրանք ունեն որոշիչ դեր պետությունների մրցունակության, անվտանգության և կենսամակարդակի բարձրացման գործում:

UFAR
ՀԱՅԱՍՏԱՆԻՄ ՖՐԱՆՍԻԱԿԱՆ
ՀԱՄԱՄԱՐԱՆ



**UNIVERSITÉ
TOULOUSE III**
PAUL SABATIER



Համակարգչային գիտությունը շատ լայն ոլորտ է, որը ծագել է մասնագիտական մի քանի հիմնարար և կիրառական ոլորտների հանգույցում: ԻԿՄ ֆակուլտետի հիմնական առաքելությունն է ուղեկցել ու առաջնորդել ֆակուլտետի՝ մտքի ու երևակայության անսահմանափակ թռիչք ունեցող ուսանողներին՝ միջազգային ասպարեզում դառնալու մրցունակ ժամանակակից ամենապահանջված մասնագիտական ոլորտում և կառուցելու սեփական մասնագիտական ուղին Հայաստանում:

Ինֆորմատիկայի (համակարգչային գիտություն) բակալավրի կրթական ծրագիրը մշակվել է Թուլուզ 3 Պոլ Սաբատիե համալսարանի հետ համատեղ: Ինֆորմատիկայի բակալավրի կրթական ծրագրի գիտելիքներն ու հմտությունները մշակվել են ABET-ի և Հաշվողական մեքենաների ասոցիացիայի (ACM) համակարգչային գիտությունների ուսումնական պլանի պահանջներին համահունչ:

Համակարգչային գիտության դասավանդման մեջ գերակշռում է պրակտիկ մասը, ուստի կարևոր դեր է հատկացվում մասնագիտական նախագծային աշխատանքներին (դասավանդման ժամանակի մոտ մեկ երրորդը), որոնք զուգորդվում են արդյունաբերության հետ համագործակցությամբ:

Մասնագիտական ինտեգրումը ՀՀ-ի ուսումնական ծրագրի բաղկացուցիչ մասն է: Ուսումնառության առաջին տարվանից ուսանողները մշակում և մասնակցում են արդյունաբերությանն առնչվող մասնագիտական նախագծերին, որտեղ նրանց ղեկավարում են միջազգային վարկանիշով ակադեմիական մենթորները: Բակալավրիատի ընթացքում ուսանողները պետք է իրականացնեն արդյունաբերությանն առնչվող յոթ մասնագիտական նախագծեր: Նախագիծը ենթադրում է ուսանողի կողմից համալսարանում ձեռք բերված գիտելիքների գործնական կիրառում ինքնավար կամ կիսանկախ եղանակով: Այն թույլ է տալիս ստուգել մասնագիտական կարողությունները և հմտությունները:

Կրթական ծրագիրը ներառում է մի շարք առարկաներ, որոնց դասավանդումը իրականացվում է դասախոսությունների, գործնական պարապմունքների և լաբորատոր աշխատանքների ձևաչափով, ինչը համապատասխանում է Թուլուզ 3 համալսարանի և ՀՀ-ի կողմից հաստատված ուսումնական պլաններին:

Բակալավրի կրթական ծրագրի դասընթացների մի մասը (օպերացիոն համակարգերի, համակարգչային ճարտարապետության, ֆունկցիոնալ և զուգահեռ ծրագրավորման, տեսապատկերների և ձայնային ազդանշանների մշակման առարկաները) վարում են Թուլուզ 3 համալսարանի՝ միջազգային հեղինակություն վայելող գիտնական դասախոսները, որոնք ներգրավված են Թուլուզի ինֆորմատիկայի հետազոտական ինստիտուտի (IRIT) գիտահետազոտական աշխատանքներում: Այս ինստիտուտը Եվրոպայում ինֆորմատիկայի 3 ամենամեծ լաբորատորիաներից մեկն է:

Բակալավրիատի առաջին երկու տարիներին ուսանողները ձեռք են բերում հենքային գիտելիքներ տեսական և կիրառական մաթեմատիկայից և ինֆորմատիկայից: Առանձնահատուկ ուշադրություն է դարձվում նաև օտար լեզուների՝ ֆրանսերենի, անգլերենի և ռուսերենի դասավանդմանը: Երկրորդ կուրսից մասնագիտական առարկաների դասավանդումը իրականացվում է անգլերենով, իսկ երրորդից՝ ֆրանսերենով և անգլերենով:



ՀՀՀՀ-ում ինֆորմատիկա ուսանել նշանակում է
օգտվել այդ ոլորտի ֆրանսիական և եվրոպական
հսկայական փորձից՝ Թուլուզ 3 Պոլ Սաբատիե
համալսարանի հետ համագործակցության շնորհիվ:
Օտարերկրյա դասախոսների և բարձրակարգ
մասնագետների ներգրավվածության արդյունքում
մենք ստանում ենք հմտությունների հսկայական
պաշար՝ ինչպես մասնագիտական, այնպես էլ
անձնական:

Ինֆորմատիկայի և կիրառական
մաթեմատիկայի ֆակուլտետի 3-րդ կուրսի
ուսանողուհի Արմինե Գևորգյան

Դասընթացներն անցկացվում են ՀՀ ԳԱԱ
Ինֆորմատիկայի և ավտոմատացման
պրոբլեմների ինստիտուտի մասնաշեն-
քում տեղակայված ԻԿՄ ֆակուլտետի
լսարաններում և համակարգչային լա-
բերում, իսկ արդյունաբերական մասնա-
գիտական նախագծերն իրականացվում
են ՀՀՀՀ-ի արդյունաբերական և ակադե-
միական գործընկերների հետ համատեղ:
Միջին շաբաթական լսարանային ծան-
րաբեռնվածությունը կազմում է 24-30 ժամ,
սակային մասնագիտության մեջ կա-
յանալու համար ուսանողներին անհրա-
ժեշտ է նաև 2-3 ժամ հավելյալ ժամանակ
տրամադրել անհատական և թիմային
առաջադրանքների կատարմանը:

Մասնագիտական աշխատանքի հեռանկարներ

Ծրագրի ավարտից հետո շրջանավարտները կկարողանան աշխատել որպես՝

- ծրագրակազմի մշակման մասնագետ /
ծրագրավորող
- ծրագրավորողների կամ ծրագրային
արտադրանքի (պրոդուկտի) թիմի
ղեկավար բարձր տեխնոլոգիաների
ոլորտում,
- համակարգչային ցանցերի
ադմինիստրատոր,
- տվյալների հենքերի ադմինիստրատոր:

Ուսման շարունակություն՝

Ծրագրի շրջանավարտները կարող են
իրենց ուսումը շարունակել ՀՀՀՀ-ի,
Ֆրանսիայի Թուլուզ 3 և այլ
համալսարանների ինֆորմատիկա
(համակարգչային գիտություն)
մասնագիտության տարբեր
մասնագիտացումներով:

Գործունեության հիմնական ոլորտներն են՝

- համակարգչային գիտություն
- ներդրված համակարգեր
- խելացի քաղաք
- արդյունաբերություն 4.0



Հայաստանում ֆրանսիական համալսարանը կազմակերպում է Նախապատրաստական դասընթացներ՝ դիմորդներին ընդունելության քննություններին պատրաստելու համար:

Նախապատրաստական դասընթացների նպատակն է դիմորդներին պատրաստել համալսարանի ընդունելության քննություններին: Դասընթացներին մասնակցությունը նաև հնարավորություն է տալիս ծանոթանալու ՀՀ-ի առանձնահատկություններին և դասավանդման մեթոդներին*:

82,2%

2020-2021 ուստարվա Նախապատրաստական դասընթացների մասնակիցների 82,2%-ն ընդունվել է ՀՀ-ի բակալավրիատ:

Ինչպե՞ս գրանցվել:

Նախապատրաստական դասընթացներին գրանցվելու** համար անհրաժեշտ է հայտ ներկայացնել: Հայտերի ընդունումը կատարվում է **միայն առցանց**:

Առցանց գրանցվելու համար անհրաժեշտ է **admission@ufar.am** էլ. հասցեին ուղարկել հետևյալ փաստաթղթերը՝

- ✓ լրացված գրանցման թերթիկը (հասանելի է ufar.am կայքում) (դիմորդի ստորագրության ամկայությունը պարտադիր է),
- ✓ դիմորդի աձնագրի 2-րդ, 3-րդ և 5-րդ էջերի և ծննդյան վկայականի լուսանկարված պատճենները (սքան),
- ✓ անչափահաս դիմորդների համար ծնողի կողմից լրացված համաձայնագրի լուսանկարված (հասանելի է ufar.am կայքում) (ծնողի ստորագրության ամկայությունը պարտադիր է) և վերջինիս անձնագրի 2-րդ, 3-րդ էջերի լուսանկարված տարբերակները,
- ✓ 3x4 չափի 1 լուսանկար (JPEG ձևաչափով), որն անհրաժեշտ է ուղարկել որպես առանձին փաստաթուղթ,
- ✓ գործերի ընդունման համար վճարվող գումարի անդորրագրի լուսանկարված տարբերակը (6000 դրամ):

Դասընթացի վարձեր 2021-2022

- հայոց լեզու՝ 110 000 դրամ
- օտար լեզու՝ 130 000 դրամ
- հասարակագիտություն՝ 140 000 դրամ
- մաթեմատիկա՝ 140 000 դրամ
- խորացված մաթեմատիկա՝ 170 000 դրամ

Գումարը վճարվում է ըստ կիսամյակների. մինչև 2021 թ. սեպտեմբերի 15-ը (ներառյալ)՝ առաջին կիսամյակի համար, մինչև 2022 թ. հունվարի 15-ը (ներառյալ)՝ երկրորդ կիսամյակի համար: Ուսման վարձը հնարավոր է նաև վճարել մինչև յուրաքանչյուր ամսվա 15-ը:

Վճարումը կարող եք իրականացնել ցանկացած բանկում ստորև ներկայացված տվյալներով՝
Ստացող - "Հայաստանում ֆրանսիական համալսարան"
Հասցե - ք. Երևան, Դավիթ Անհաղթի 10
ՀՎՀՀ 01002296

Վճարման նպատակը՝ Նախապատրաստական դասընթացներ, դիմորդի ազգանուն, անուն, հայրանուն
Բանկ - "ԱՎԲԱ-ԿՐԵԴԻՏ ԱՌԻԿՈՒԼ ԲԱՆԿ" ՓԲԸ, "ԶԵՅԹՈՒՆ" մանսաճյուղ
Հ/Հ 220303350015000

*Հավելյալ տեղեկությունների համար այցելե՛ք ufar.am կայքը:

**Գրանցվել կարելի է թե՛ մեկ, թե՛ մի քանի առարկաների դասընթացներին՝ ըստ ֆակուլտետի:

ՆԵՐԿԱՅԱՑՆԵԼ ԸՆԴՈՒՆԵԼՈՒԹՅԱՆ ՀԱՅՏ



1. Ներկայացնել հայտ.

Ընդունելության մրցույթին մասնակցելու համար անհրաժեշտ է ներկայացնել հետևյալ փաստաթղթերը.

- ✓ գրանցման դիմում-հայտ (հասանելի է ufar.am կայքում),
- ✓ լրիվ միջնակարգ կրթության վկայականի պատճենը կամ տեղեկանք դպրոցից 12-րդ դասարանում սովորելու վերաբերյալ,
- ✓ անձնագրի կամ նույնականացման քարտի պատճենը (գործերը հանձնելիս ներկայացվում է բնօրինակը), ծննդյան վկայականի պատճեն չի ընդունվում:
- ✓ 3x4 չափի երկու լուսանկար,
- ✓ կցագրման վկայականը կամ գինգրքուկի պատճենը,
- ✓ գործերի ընդունման համար համալսարանում վճարվող գումարի անդորրագիրը (7500 դրամ),
- ✓ առկայության դեպքում 2022-2023 ուստարվա ՀՀՀՀ-ի Licence/Բակալավրիատ ընդունելության կանոնակարգի 2.1.7 կետով սահմանված դիպլոմների/վկայականների պատճենը :

Տարվա ընթացքում 2 անգամ համալսարանը կազմակերպում է **բաց դռների օրեր**՝ կրթական ծրագրերն ու քննությունները ներկայացնելու և ձեր հարցերին պատասխանելու համար:

ԸՆԴՈՒՆԵԼՈՒԹՅՈՒՆ 2022-2023 թթ.

Դիմումի փաթեթը կարող եք ներկայացնել 2022 թ. մայիսի 16-ից հունիսի 10-ը ընդունող հանձնաժողովին:



2. Մասնակցել քննություններին.

ՀՀՀՀ-ի քննություններն անկախ են պետական միասնական քննություններից և հիմնվում են հանրակրթական դպրոցի ծրագրերի վրա*:



Այն դիմորդները, որոնք ունեն.

-ֆրանսերենի իմացության վկայական՝ DELF B1 Tout Public կամ DELF Junior B1,

-անգլերենի իմացության IELTS Academic, TOEFL (TOEFL My best Scores միավորը չի ընդունվում), Cambridge Assessment English FCE, BEC Vantage, BEC Higher, CAE, CPE վկայականներ, IELTS, TOEFL վկայականների վաղեմության ժամկետը չպետք է գերազանցի երկու տարին,

-գերմաներենի իմացության GOETHE-ZERTIFIKAT B1, TELC Deutsch B1, DSD 1 քննությունը B 1 մակարդակ, DSD I PRO քննությունը B1 մակարդակ, Test DaF (TDN 4),

հնարավորություն ունեն հեշտացված կարգով առանց օտար լեզվի քննության, ընդունվելու ՀՀՀՀ**:

Նշված դիմորդները կստանան առավելագույն միավոր օտար լեզվի ընդունելության քննությունից:



Ֆրանսերենի իմացությունը բակալավրիատ դիմելու համար պարտադիր չէ:

2021թ.-ին ՀՀՀՀ ընդունվածների 90%-ից ավելին ընդունվել է առանց ֆրանսերենի իմացության:

Ֆակուլտետ	Քննություններ	Քննության տևողություն	Առավելագույն միավոր	Մրցույթին մասնակցելու համար նվազագույն միավոր
իրավագիտություն	հասարակագիտություն	2,5 ժամ	100	35
	օտար լեզու (ֆրանսերեն, անգլերեն կամ գերմաներեն)	2,5 ժամ	40	14
	հայոց լեզու	2,5 ժամ	40	14
կառավարում, մարքեթինգ և ֆինանսներ	մաթեմատիկա	3,5 ժամ	100	35
	օտար լեզու (ֆրանսերեն, անգլերեն կամ գերմաներեն)	2,5 ժամ	40	14
	հայոց լեզու	2,5 ժամ	40	14
ինֆորմատիկա և կիրառական մաթեմատիկա	խորացված մաթեմատիկա	4 ժամ	120	48
	օտար լեզու (ֆրանսերեն, անգլերեն կամ գերմաներեն)	3 ժամ	60	21

*2022-2023 ուստարվա թեստերի նմուշները հասանելի են sfar.am կայքում:
**Վերոնշյալ վկայականների անցողիկ միավորներին անհրաժեշտ է ծանոթանալ ՀՀՀՀ կայքում գետեղված ընդունելության կանոնակարգում («2022-2023 ուստարվա Հայաստանում (ՀՀՀՀ) ֆրանսիական համալսարանի ՀՀՀՀ Licence/Բակալավրիատ ընդունելության կանոնակարգ»):



Ուսման վարձեր 2022-2023

**Իրավաբանական, կառավարման,
ֆինանսների և մարքեթինգի
ֆակուլտետներ**

1-րդ կուրս՝ 900 000 դրամ
2-րդ կուրս՝ 935 000 դրամ
3-րդ կուրս՝ 955 000 դրամ
4-րդ կուրս՝ 990 000 դրամ

**Ինֆորմատիկայի և կիրառական
մաթեմատիկայի ֆակուլտետ**

1-րդ կուրս՝ 1 055 000 դրամ
2-րդ կուրս՝ 1 090 000 դրամ
3-րդ կուրս՝ 1 125 000 դրամ
4-րդ կուրս՝ 1 160 000 դրամ



Բազմաթիվ կրթաթոշակներ և սոցիալական օգնություն

ՀՀՀՀ-ն աջակցություն է ցուցաբերում ուսանողներին և նրանց ընտանիքներին ՀՀ կառավարության, Հայաստանում Ֆրանսիայի դեսպանության, Հայկական բարեգործական ընդհանուր միության, Ընկերական օգնության հայկական ընկերակցության, Ֆրանկոֆոն փաստաբանների միության և այլ բարերարների օգնությամբ կրթաթոշակներ և սոցիալական օգնություն տրամադրելով: Մի շարք բարերարներ կրթաթոշակներ են տրամադրում միայն ՀՀՀՀ-ի ուսանողներին:

ՀՀՀՀ-ում գործում է ուսանողական նպաստի տրամադրման 2 տարբերակ.




Առաջինը **ակադեմիական առաջադիմության կրթաթոշակն է**, որը լավագույն ուսանողին թույլ է տալիս յուրաքանչյուր կիսամյակ օգտվել 25, 50 կամ 100% զեղչային համակարգից:



Երկրորդը **սոցիալական օգնության նպաստն է**: Հանձնաժողովն ուսումնասիրում է հայտ ներկայացրած յուրաքանչյուր ուսանողի փաստաթուղթը, առանձնացնում է տարբեր չափանիշներ՝ ընտանիքի սոցիալական կարգավիճակ, միակողմանի ծնողազրկություն, հաշմանդամություն կամ պատերազմի հետ կապված իրավիճակներ, բնակավայրի աշխարհագրական դիրք, ընտանիքի անդամների թիվ, նույն համալսարանում սովորող ուսանողների թիվ:


Ուսումնառության առաջին տարվանից ուսանողները կարող են դառնալ ՀՀՀՀ-ի ուսանողական խորհրդի անդամ և իրենց ազդեցությունն ունենալ համալսարանական կյանքի վրա: Ուս-ն նպաստում է ուսանողական կյանքի ակտիվությանը, մասնակցում է ուսանողների ֆիզիկական և բարոյական զարգացմանը՝ համագործակցելով ՀՀ և արտերկրի այլ բուհերի և կազմակերպությունների հետ: Այս կառույցը համալսարանի գործունեության բարելավմանն ուղղված հարցերում կարևոր գործընկեր է, նորարարության և ստեղծարարության աղբյուր:



UFAR
CONSEIL DES
ÉTUDIANTS

Ուս-ին կից գործում են մի շարք ակումբներ՝ կամավորների, երաժշտական, լրագրության, բանավեճի, ընթերցանության, որոնց շնորհիվ համալսարանական կյանքն ավելի աշխույժ է դառնում, և բավարարվում են ուսանողների հետաքրքրությունները:





«Հայաստանում ֆրանսիական համալսարան» հիմնադրամ
ԶԼՄ հաղորդակցության և հանրային կապերի կենտրոն
0037 ք. Երևան, Դավիթ Անհաղթի 10
+374 10 24 96 47
info@ufar.am



Liberté • Égalité • Fraternité
RÉPUBLIQUE FRANÇAISE

MINISTÈRE
DE L'EUROPE ET DES
AFFAIRES ÉTRANGÈRES

UFAR ՀԱՅԱՍՏԱՆԻՄ
ՖՐԱՆՍԻԱԿԱՆ
ՀԱՄԱԼՍԱՐԱՆ

WWW.UFAR.AM

